

Sarajevo, 25-02-2019

Broj: 02-03-10339

Na osnovu člana 18. Stav (1) i člana 100. Stav 3. Zakona o javnim nabavkama („Službeni glasnik BiH“, broj 39/14), člana 48. Statuta Kliničkog centra Univerziteta u Sarajevu, a po otvorenom postupku javne nabavke Generalna direktorica donijela je,

ODLUKU

poništenju i ponovnom pokretanju postupka javne nabavke
za izbor najpovoljnijeg ponuđača za nabavku i isporuku hemodijaliznih aparata

I

1. Žalba bb od 14.02.2019. naš broj: 03-06-8531 od 15.02.2019 i dopuna Žalbe bb od 15.02.2019. naš broj 11-04-8835 od 18.02.2019 godine, izjavljena od strane potencijalnog ponuđača „**Melcom**“ **d.o.o. Mostar**, zastupanog po punomoćniku Đurđević Mirhadu, advokatu iz Sarajeva, na tendersku dokumentaciju za „Nabavku i isporuku hemodijaliznih aparata br. 02-03-2518/19-1“, pokrenutu putem otvorenog postupka javne nabavke, objavljenog dana 16.01.2019.godine na portalu e-nabavke sa obavještenjem o nabavci br. 893-1-1-36-3-14/19, **usvaja se kao djelimično osnovana.**
2. **Poništava se postupak** javne nabavke i tenderska dokumentacija br. 02-03-2518/19-1 „Nabavka i isporuka hemodijaliznih aparata“ objavljeno dana 16.01.2019. godine na portalu e-navke pod br. 893-1-1-36-3-14/19.
U skladu sa privremenim Planom javnih nabavki za 2019. god. pod klasifikacijom robe investicije, red. br. 33. (Odluka o usvajanju privremenog Plana javnih nabavki Kliničkog centra Univerziteta u Sarajevu za 2019 godinu, broj: 295/18 protokol br. 02-01-66429/18) i namjenski obezbijeđenim sredstvima, ovom Odlukom odobrava se **ponovno pokretanje postupka javne nabavke.**
3. Odbija se zahtjev potencijalnog ponuđača „**Melcom**“ **d.o.o. Mostar**, zastupanog po punomoćniku Đurđević Mirhadu, za naknadu troškova sastavljanja Žalbe bb od 14.02.2019 (naš broj: 03-06-8531 od 15.02.2019) i dopuna Žalbe bb od 15.02.2019 (naš broj 11-04-8835 od 18.02.2019 godine).
4. Ova Odluka stupa na snagu danom donošenja i objaviće se na web stranici KCUS-a putem web stranice Kantona Sarajevo istovremeno sa dostavljanjem potencijalnim ponuđačima koji su preuzeli tendersku dokumentaciju sa portala e-nabavke.

OBRAZLOŽENJE

Klinički centar Univerzita u Sarajevu (u daljem tekstu KCUS) pokrenuo je postupak javne nabavke za „Nabavku i isporuku hemodijalizni aparata“, putem otvorenog postupka, te je na portalu javnih nabavki objavio obavještenje o nabavci br. 893-1-1-36-3-14/19 od 16.01.2019. godine zajedno sa tenderskom dokumentacijom broj: 02-03-2518/19-1.

Nakon preuzimanja tenderske dokumentacije potencijalni ponuđač „**Melcom**“ **d.o.o. Mostar**, zastupan po punomoćniku Đurđević Mirhadu, advokatu iz Sarajeva, izjavio je Žalbu bb od 14.02.2019. naš broj: 03-06-8531 od 15.02.2019 i dopunu Žalbe bb od 15.02.2019. naš broj 11-04-8835 od 18.02.2019 godine, na sadržaj tenderske dokumentacije.



Prije nego se upustio u meritorno odlučivanje o navedenoj Žalbi u skladu sa članom 100. Zakona o javnim nabavkama („Službeni glasnik BiH“, broj 39/14), KCUS je utvrdio da je žalba, potencijalnog ponuđača „Melcom“ d.o.o. Mostar blagovremena, dopuštena i izjavljena od ovlaštenog lica, te da je ista ispunjava uslove propisane članom 100. stav 3 Zakona o javnim nabavkama BiH („Službeni glasnik BiH“, broj 39/14).

Uvidom u žalbene navode i tendersku dokumentaciju, te analizom svakog pojedinačnog žalbenog navoda i njihovu međusobnu povezanost, utvrđeno je da žalbu treba djelimično usvojiti i ponoviti postupak javne nabavke, te izmjeniti tendersku dokumentaciju, a što se čini Ovom Odlukom, radi isteka roka za dostavu ponuda.

Odbija se zahtjev žalitelja za naknadu troškova sastavljanja Žalbe bb od 14.02.2019. naš broj: 03-06-8531 od 15.02.2019 i dopune Žalbe bb od 15.02.2019. naš broj 11-04-8835 od 18.02.2019 godine.

Naime članom 120. Stav I Zakona o javnim nabavkama propisano je da zahtjev za naknadu troškova dopušten, samo ako je URŽ utvrdio bilo koju od činjenica navedenih u stavu II tačke a) do e). U skladu sa članom 119. Stav I Zakona o javnim nabavkama potencijalni ponuđač, koji se žali na tendersku dokumentaciju, nema pravo na naknadu troškova sastavljanje žalbe, jer je navedenim članom propisano „Ako ugovorni organ povrijedi odredbe ovog zakona ili podzakonskih akata, privredni subjekat ima pravo od ugovornog organa zahtjevati naknadu troškova za pripremu ponuda i troškova učešća u postupku javne nabavke“. Stavom II istog člana propisano je da " pravo iz odredbe stava I ovog člana ne postoji ako je nakon donošenje odluke o izboru ili nakon odluke o poništenju postupka javne nabavke, URŽ utvrdio da ponuđač čija ponuda nije razmatrana , ni uz poštivanje odredbi ovog zakona i podzakonskih akata ne bih imao realne izgleda za izbor njegove ponude , ili čija se žalba odbija“.

Obzirom da u ovom postupku potencijalni ponuđač nije dostavio ponudu, jer je postupak poništen, smatramo da žalitelj nema pravo na naknadu troškova sastavljanja žalbe.

Cijeneći naprijed navedeno odlučeno je kao u izreci ove Odluke.



GENERALNA DIREKTORICA

Prof. dr. Sebija Izetbegović

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 10 (deset) dana od dana prijema Odluke u skladu sa članom 99-101 Zakona o javnim nabavkama. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima
- Tehničkom sektoru;
- a/a KCUS-a